

YEMMOM NSOM KRISTO

“ Momma yennam ɔmanfo kasa a wɔka so mfa Nyame asem nkɔ baabi a ennui”

Enye Borɔfo akese a obi beka no na ekyerɛ se asi no yiye wɔ abrabɔ mu. Saa ara nso na enye akesesɛm a yebedi anaa ntaade akese a yebɛhyɛ na ebekyerɛ se asi yen yiye. Se nkorɔfo te yen din a, wosu anaa wɔserew? Nnipa dodow a wɔte yen din a wɔn ani gye, anaa wɔserew no na ebekyerɛ se yeabɔ bra anaa yenye hwee ɛ.

Kyerew Kronkron adesua nhyehyee de fi bosome Ɔpɛpɛn de kosi Ɔpɛnimma, wɔ afe 2018 mu.

Yɛn Botae: Monwɛn.....Onipa ba no reba Matt. 25:13

Asɔfokuw no nyinaa anodisɛm

- i. Nneɛma bebreɛ na ɛfa Kristo mmaɛ a ɛtɔ so abien no ho. Ɛnyɛ ade a obi betumi anam adesua a ɛte sɛɛ so de aka ho aɛm nyinaa awie. Mmom, yebetumi anam adesua a ɛte sɛɛ so de asua nneɛma bebreɛ a ɛho hia pa ara afa Kristo mmaɛ a ɛtɔ so abien no ho, na yeasan de akɔ adwennwene mu.

Adesua yi mfiase no bekyerɛyɛn Kristo mmaɛ a ɛtɔ so abien no abɔase anaa ahyɛase. N' ahyɛase no nyinaa fi onipa asehwe ne Onyankopɛn bɔhyɛ a ɔhyɛɛ ho. Adesua yi nso ma yehu gyidi nyinaa agya, Abraham. Yɛnam nhoma yi so behu nea adiyifo no hu faa bɔne ne onipa nkwagye ho. Yɛbenam nhoma yi ahyɛase so asua nneɛma pii afa nea adiyifo no hu faa onipa bɔne ho, de akosi Osuboni Yohane so. Ɔno na ɔbeɔɔ kwan too ho maa Kristo Yesu mmaɛ no.

Yefi ho a, afei yɛbehwɛ nneɛma bi a ɛho hia pa ara fa Kristo mmaɛ a ɛtɔ so abien no ho. Yɛbeɔɔ asukɔ ahu sɛnea Kristo mmaɛ a ɔbeba no te fa. Yɛbesan ahu nea enti nso a, ɔkaɛ se ɔbeba bio. Yesu buu mmɛ bebreɛ faa ne mmaɛ no ho. Yɛbeɔɔ mmɔden ahwehwɛ mu, na yeahu nea na ɔpɛ akyerɛ nyinaa. Kristo san kasa faa nsɛnkyerɛnne a ebedi ne mmaɛ no anim. Yɛbeɔɔ mmɔden ahu saa nsɛnkyerɛnne yi nyinaa, na yeanam so atu yɛn ho fo sɛnea ɛfata.

Yɛbehwɛ ɔkwan a yɛbefa so de ahyɛ yɛn ho den, na aboa yɛn ama yeatumi anantew Kristo hann no mu, de atwɛn ne mmaɛ a ɛtɔ so abien no. Ɛho na yede yɛn adesua no besi.

Nneɛma pii na akristofo, ne wɔn a wɔasua Kyerew Kronkron akɔ anim pa ara no, adwene nhyia fa ho. Ɛnam saa nti, wɔtaa gye ho akyinnye. Yeabɔ mmɔden sɛ yɛnam yɛn adesua yi so betwe yɛn ho afi saa adeye no ho. Yɛhyɛ da na yeaye saa. Yenim sɛ ɛnyɛ ade a yebetumi anam adesua mmaako mmaako 36 so pɛ atumi aka Kristo mmaɛ a ɔbeba no ho aɛm nyinaa awie. Yɛn atirimpɔw ne sɛ, yede yɛn adwene nyinaa besi Onyame aɛm so, na yeabɔ mmɔden asua ade afi mu. Ebetumi aba no sɛ, wɔ yɛn adesua yi mu no, nneɛma bi a ɛho hia pa ara bepuepue wɔ mu. Sɛ nhoma yi anka ho aɛm biara a, mma no nhaw wo. Sɛ ɛho

behia se yede saa nneema no ho adesua beba daakye a, yebeye no saa ne bere pa mu.

ii. Adesua no ho nhyehyee

Nea ese se obiara hye no nso.

Adesua no ho nhyehyee a ese se obiara hye no nso

Berebiara a yereba abesua nhoma yi no, momma yemfa nhye yen tirim se, yede sima 40 na ebewie. Okwan a mofefa so de saa mmere yi adi dwuma ni:

- Mfitiase mpaebo sima 2
- Nkaesem sima 5
- Adesua no sima 25
- Nkaesem no mmakyi sima 5
- Awiei mpaebo sima 3

Mpen pii no, se yehye nkyerekyerere bi ase wo asore a , yentaa nwie ansa na yeako fie. Yehyehye nsemmissa a ewo saa adesua yi mu senea ebefoa yen ama yeatumi awie no nyinaa wo bere a wode ama yen no.

Adesua biara ho nsemmissa mmuae wo akenkansem a efa saa adesua no ho mu. Eno nti, se yeresua ade no a, momma yemfa yen adwene nko nkenkansem no so yiye, ama atumi aboa yen ma yeadi yen bere so.

Kyerew Kronkron ahorow a yeayiyi nkaesem ahorow no afifi mu na edidi so yi: Bible in Basic English (BBE), Contemporary English Version (CEV), Good News Bible (GNB), God's Word (GW), International Standard Version (ISV), King James Version (KJV) ne Weymouth New Testament (WNT) a wokyerew no afe 1912.

Nkaesem ahorow no fi Kyerew Kronkron ahorow no mu. Yen botae ne se ebefoa adesuafo ma wotumi awe agu won tirim.

i. Akandifo akwankyerε

1. Σε wobisa asem bi, na obiara ye dinn pa ara a, mma no mmϷ wo hu. Σε obiara anka hwee amfa asemmisa no ho a, fa kwan foforo so fa bisa asem koro no ara..
2. Σε obi bua asemmisa bi na oti a, hwe na wanka no pen se, εnye saa, anaa wati. Wobetumi afa nyansakwan so aka se, “ Nkyekyem ben na yebehu nea wokae no wϷ, anaa woyee den wonyaa saa mmuae no ?”
3. Ma ho kwan na dodow no ara nkyere wϷn adwene, ne titiriw ne adesua a ehia nkyerekyeremu, a emu dϷ, ne nea εfa nneyee ne Ϸyεkyere ho.
4. Σε εba se obi nte ne ho ase koraa wϷ biribi ho a, monsan nkϷkenkan adesua no ho nsem no bio. BϷ nea εho hia se onipa no hu no tϷfa, na toa so. Σε mmuae pϷtee bi nni ho ma saa asemmisa no a, monsan nkϷkenkan akenkansεm foforo a εfa ho, anaase ka kyere adesuafo no nyinaa na wϷnkϷhwehwe saa asemmisa no ho mmuae.
5. WϷn a wϷfere ade nti, wϷntaa nkasa no, εse se woboa wϷn ma wϷtumi de wϷn ho hye adesua no mu. εwϷ mu ara a, na watwa w’ ani akϷhwe wϷn anim kakra. Σε wohu se wϷn mu bi pe se Ϸkasa a, bisa asem bi a εho hia pa ara nansno n’ anoyi no nye den pii.
6. Hwe se womma binom nkasa mmfa nsee adesua no. Ebetumi a, pe bere na wo ne wϷn wϷda saa su no adi no, nkasa kokoam, ama wϷatumi akyerε wϷn adwene bere a mpensempensemu no rekϷ so.
7. Nnipa binom taa nam wϷn suahu ne nimdee so twe mo adwene fi nea moresua no so kϷ ade foforo a εmfa adesua no ho so. Ma wϷn nhu hia a ehia se, obiara de n’ adwene besi nea moresua no so.
8. Ntaa mma adesuafo no ntwe wo nsan nkϷ w’ akyi bio, gye se eyε biribi a εho hia pa ara. Etumi ba no se, obi pe se Ϸnam nea moasua mmere bi a atwam no so, de yi asemmisa bi ano, bere a anka εse se Ϸnam nea moresua

mprempren so di saa dwuma no. Bɔ mmɔden twe wɔn adwene si nea moresua mprempren no so.

9. Sɛ asem bi bɛtɔ gua na adesuafo no nya wɔn ho ntease wɔ n' anyi ho a, kyere wɔn sɛ, mobɛsan aka saa asem no ho asem, da foforo kyɛn sɛ, wobɛma saa asem no atwe mo adwene afi nea moresua saa da no so. Sɛ wanyɛ no saa a, akyinyegye a ɛte saa no bedi mo bere a mode sua ade no nyinaa.

iii. Adesua no nhyehyɛ nɔidiso nɔidiso

Onipa dasani ahyɛase, n' ahwease ne Onyankopɔn bɔhyɛ.

Adesua 1: Botae nti a wɔbɔɔ onipa, Genesis 1:26-28

Nnianim

Biribiara a ɛwɔ asaase yi so no, wɔ botae pɔtee bi nti a wɔde yɛɛ. Nea ɔyɛɛ saa ade no nim nea enti a ɔyɛɛ. Ɛba no saa a, ɔntaa nkora ne botae no so, na mmom, ɔno nso bɔ mmɔden sɛ ɔbɛma afoforo ahu nea enti a ɔyɛɛ saa ade no. Dɛn na ɛtaa si? Wobɛhwɛ na mmere kakraa bi akyi no, botae titiriw nti a wɔde yɛɛ saa ade no ayɛra. Etumi mpo ba no sɛ, ebedu mmere bi no, na biribi foforo a ɛne saa decode no wɔ ayɔnkofa ho abehia sen no. Mamma yɛnsan nhwɛ nea enti a Onyankopɔn bɔɔ onipa dasani.

Nkaesɛm: Genesis 1:27

“Na Onyankopɔn bɔɔ onipa wɔ ne suban so, Onyankopɔn suban so na ɔbɔɔ no, ɔbarima ne ɔbea na ɔbɔɔ wɔn.

Adesua no ho nsemɛmisa

1. Dɛn nti na Onyankopɔn bɔɔ nipa?

2. Σε γέκα σε “ di biribi so “ a, wote ase sen?
3. Σε γέκα σε obi nsow aba anaa onwo a, so nea ekyere ara ne σε obewo nnipa?
4. Akwan ben so na yebefa de akyerε yen tumidi wο nne mmere yi mu?

Awiei

Onyankopon bo onipa σε onsi n’ anan wο asaase yi so. Onyankopon maa onipa huu no pefee nea εσε σε ογε wο asaase yi so. Den na yehu no nne? So yebetumi aka σε, wiase yi gyina nea egyina efise nnipa di won pe akyi, enna wagyaw Onyankopon ahyede ato ho? Onyankopon mmoa yen na yentumi nhu botae titiriw nti a oboo yen baa asaase yi so.

Adesua 2: Onipa asede, Genesis 2:15-17

Nnianim

Ahyede ye ade a etumi boa nipa yiye. Etumi boa bo nipa ho ban, enna etumi boa kyere no kwan fa nea εσε σε ογε ne nea ενσε σε ογε ho. Nea ογεε biribi anaa oboo biribi no, na onim nea eye maa saa dekode no. Enno nti, εho behia σε daa yebedi nhyehyee a, nea ογεε saa dekode no, de ato ho σε yenni so. Σε γεγε saa a, na yebenya saa dekode no so mfaso yiye. Momma yenkaekae yen ho bio, wο ahyede a Onyankopon de maa onipa σε onni so, bere a oboo no foforo wο Eden Turom mu.

Nkaesem: Romanfo 6:23

“Na bone akatua ne owu, na Nyankopon adom akyede ne daa nkwa, yen Awurade Kristo Yesu mu.

Adesua no ho nsemmissa

1. Den na na Onyankopon pe σε nipa ye turom no mu?
2. Bere a na nipa da adagyaw no, den na Onyankopon ye maa no?
3. Wosuw σε, den nti na Onyankopon hγεε Adam σε, mma no nni aduaba a na esi turom no mfinimfini no?
4. So γεγε ampa σε Adam wui?

Awiei

Onyankopɔn nam ne nyansa a emu nni hwehwebea ne n' adom so, ama yen ahyede ne nhyehyee a ebetumi aboa yen, ama yeatena asaase yi so dwoodwoo. Saa ahyede yi nyinaa wɔ Kyerew Kronkron no mu. Kyerew Kronkron ye Onyankopɔn anom nsem a wɔatintim ato ho ama yen. Sen na yen suban te fa wɔ Nyame asem ho nnansa yi? Se anka yede Nyame asem nantew a, anka ohaw ne amane bebree a eba yen so no ano bebree ase koraa. Ohaw no pii na anka emmen yen mpo. Momma yemmɔ mmɔden nni ahyede a Onyankopɔn de ama yen no so, na akyerɛ yen kwan wɔ abrabo mu.

Adesua 3: Onipa Ahwease (Asehwe) Genesis 3:1-7

Nnianim

Ekame ayɛ sɛ, yen wiase yi reyera afi ne kwan so. Basabasayɛ rekɔ so wɔ baabiara. Wiase a Onyankopɔn bɔɛ wɔ Genesis nhoma 1, na enyɛ saa na ɛte. Den na ɛde yen abedu baabi a yewɔ yi? Ɛsɛ sɛ yetumi hu nea enti aba no saa, ama yeatumi atu nkyirimma nso fo. Nnɛ adesua no fa nea enti a onipa hwee ase ho.

Nkaesɛm: Romanfo 5: 12

“Eyi nti, sɛnea ɛnam onipa baako so na bɔne baa wiase, na owu nam bɔne so bae no, saa ana ɛyɛɛ na owu trɛw kaa nnipa nyinaa, ɛfise wɔn nyinaa ayɛ bɔne.”

Adesua no ho nsemmissa

1. Hena na ɔne ɔwɔ no nyaa nkitahodi ?
2. Sɛ wode nea yesuaa nnawɔtwe a atwam no, na wode toto nea Hawa ka kyerɛɛ ɔwɔ no a, ɛte den?
3. Den na wosusuw sɛ ɛkanyan Adam ne Hawa den ma wɔbuu Nyankopɔn asem so?
4. So wosusuw sɛ bonsam asesa n' akwan a ɔnam so de ba yen nkyɛn no?

Adesua 4: Ɔgye ho bɔhye, Genesis 3:14-19

Nnianim

Yen agya Onyankopɔn nim ade nyinaa. Ɔnye mfomso. N' atirimpɔw ne ne nsusuw enam ne kwan so pɛpɛɛpɛ bere biara. Bere a onipa fomm kwan kɔyɛɛ bɔne no, ammɔ no hu koraa. Ɔmaa ho kwan ma no sii de, nanso na wabɔ kwan foforo ato ho a ɔbenam so de agye nipa. Nea Nyame asem ka fa saa ɔgye yi ho no, na nne yerebeka ho asem.

Nkaesem: Romanfo 5:8

Na Onyankopɔn yi ne dɔ a ɔde dɔ yen no kyerɛ, efise yɛda so ye nnebɔneyɛfo no, Kristo wu maa yen.

Adesua no ho nsemmissa

1. Onipa yɛɛ asoɔden no, den na Onyankopɔn ye faa ho?
2. So Onyankopɔn gyaa wɔn saa ara a wantwe wɔn aso?
3. Aden nti na wosusuw sɛ Onyankopɔn annome Adam ne Hawa?
4. Fa w' ankasa anom nsem kyerɛkyerɛ nkyekyem 17 no mu.

Awiei: Onyankopɔn dɔ a ɔde dɔ yen no mu nni hwehwebea. Enam saa nti, otumi de ne ho bɔ afɔre ma onipa bere biara. Enam Onyankopɔn dɔ kɛse a ɔde dɔ yen nti, daa ɔhwɛ kwan sɛ ɔne nipa benya ayɔnkofa. So wo ne Onyankopɔn wɔ ayɔnkofa? Wo ne n' ayɔnkofa no te den? Nea esɛ sɛ yen nso yeyɛ ne sɛ, yɛbedɔ no, na afei yɛabɔ mpae daa sɛ ɔnye yen adom.

Abraham- Gyidi agya

Adesua 5: Abraham frɛ- Genesis 12:1-4

Nnianim

Sɛ ɛba nipa ne Onyankopɔn ayɔnkofa a, Onyankopɔn na ɔtaa di kan to nsa frɛ yɛn. Wɔ ayɔnkofa biara mu no, obiara wɔ n' asede a ɛɛ ɛɛ ɔyɛ. Afei afaanu no mu biara nso hwɛ kwan sɛ obenya biribi afi ne yɔnko ho. Yɛnhwɛ sɛnea saa su yi da ne ho adi wɔ Onyankopɔn frɛ a ɔde frɛɛ Abraham no ho.

Nkaesɛm: Hebrifo 11:8(a)

“ Gyidi na wɔfrɛɛ Abraham no, ɔde tie fi kɔɔ baabi a daakye obenya ho sɛ agyapade, ...

Adesua no ho nɛmmisa

1. Dɛn na na Awurade pɛ sɛ Abraham yɛ?
2. Adwene bɛn na na Awurade afa sɛ, sɛ Abraham tie no a, ɔbɛyɛ ama no?
3. Wosusuw sɛ, sɛ Onyankopɔn fa ɔkwan a ɔfaa so de frɛɛ Abraham no so frɛ yɛn nɛ a, yɛbɛyɛ osetie ama no?
4. So yebetumi de yɛn ho ato Onyankopɔn bɔhyɛ so? Ka w' adwene.

Awiei: Sɛ ɛba no yɛn ne Onyankopɔn ayɔnkofa a, nea ohia afi yɛn nkyɛn nyinaa no, wakyɛrɛ yɛn no nyinaa pefɛe. Yebetumi asua akwan ahorow a Onyankopɔn nam so ne afoforo sianee, de aka yɛn de ho. Nea daa ehia Onyankopɔn wɔ yɛn ho ne sɛ, yɛbɛyɛ osetie ama no. Sɛ wode wo setie wɔwɔ ma Awurade no toto Abraham de ho a, sɛn na ɛtɛ?

Adesua 6: Abraham sɛso I Genesis 18:17-19

Nnianim

Wɔ yɛn asetena mu no, yetumi gye adansedi krataa fi sukuu ne mmeae ahorow pii a yɛayɛ adwuma wɔ ho pɛn. Yɛtaa hia saa adansedi krataa yi ama no atumi aboa yɛn, na yɛatumi akɔ yɛn anim wɔ nea esi yɛn ani so ho. Adanse bɛn na wosusuw sɛ onipa betumi adi afa wo ho? Adanse bɛn nso na wopɛ sɛ Onyankopɔn di fa wo ho?

Nkaesɛm: Mmɛbusɛm 20:6

“Nnipa bebree ka wɔn ara adɔeyɛ, na onipa ɔnokwafo de, hena na obehu no?”

Adesua no ho nɛmmisa

1. Adanse bɛn na Onyankopɔn di faa Abraham ho wɔ nkyekyem 17-18?
2. Dɛn na na Onyankopɔn nim fa Abraham ho wɔ nkyekyem 18?
3. Nea Onyankopɔn nim fa yɛn ho, hia a ehia ne sɛn?
4. Akwan bɛn so na yebetumi afa ne Onyankopɔn atumi anya ayɔnkɔfa a edi mu, te sɛ Abraham de no bi?

Awiei

Awɛrɛhyɛm anaa gyidi yɛ ade a ɛho hia pa ara wɔ ayɔnkɔfa biara mu. Sɛ ennim a, ayɔnkɔfa biara ntumi nkɔ so, na ɛmma no nyɛ anika. Onyankopɔn pɛ sɛ ogye yɛn di, na ama no atumi ne yɛn akɛ n' atirimpɔw. Mɔmma yɛmmɔ yɛn ho mmɔden nkosi sɛ, yebedu mpɛnpɛnso a Onyankopɔn ankasa betumi de ne nsa asi ne bo aka sɛ “ Asumasi de, megye no di yiye, mete no so a, na masɔre”

Adesua 7: Abraham Nhweso, II Romanfo 4: 17-21

Nnianim

Sε obi hye yen bɔ, na ekye saa ara na emmam a, yetumi pa abaw. Besi nne yi, sε obi ahye wo bɔ na emmaa mu ye a, den na wobeyε? Saa tebeae no na yen Agya Abraham kɔɔ mu. Yεpε sε yesua fi ne nkyen sε, emfa ho ne senea abrabɔ no bedi yen adaneadane afa biara, yebegyina pintinn ama Awurade.

Nkaesem: Romanfo 4: 20

“Na Oyankopɔn bɔhye no ho de, wamfa ogye a wonnye nni annye kyim, na mmom onyaa gyidi mu ahɔden hyεε Onyankopɔn anuonyam.

Adesua no ho nsemisa

1. Den na anka εsε sε ebu Abraham abaw mu?
2. Den na εboa hyεε ne gyidi den?
3. Ne gyidi no ho nsunsuanso kowiee sεn?
4. Nneεma ben na nne yi, etumi keka bom bu yen abaw mu wɔ Kristo mu?
5. Den na yebetumi ayε afa ho?

Awiei

Sε yetumi hu senea obi suban te yiye a, εboa ma yetumi nya awerehyem wɔ ne nsem ne ne bɔhye ho. εye nimdee a na Abraham wɔ wɔ Onyankopɔn asem mu na εboaa no ma ɔkɔɔ so gyee no dii sε ɔye ɔnokwafo. Den na wogu so reyε, na atumi aboa wo ma woatumi agyina pintinn wɔ Onyankopɔn ne ne bɔhye ho?

Adesua 8: Abraham Nhweso III , Hebrifo 11: 8-12

Nnianim

Nwetaaso ye ade a eho hia wɔ abrabɔ mu. Biribiara a yebeyɛ no, ɛsɛ sɛ yɛwɛ taa so sɛ yebeyɛ akodu awiei. Sɛ nwetaaso nni mu a, ɛnkyɛ koraa na yɛapa abaw wɔ nea yereyɛ biara mu. Dodow no ara na wɔhyɛ nyamesom akwantu yi ase, nanso ɛyɛ den ma wɔn sɛ wɔbetumi de akɔ awiei. Eyi ne yɛn adesua a etwa to fa Abraham ho. Yɛpɛ sɛ yɛhwɛ akwan a yɛbɛfa so akora yɛn gyidi mu de akosi awiei.

Nkaesɛm , Hebrifo 11: 10

“ Na ɔtwɛn kurow a ɛwɔ ahyɛase a ne kyɛkyɛfo ne yɛfo ne Nyankopɔn ”

Adesua no ho nsemisa

1. Sɛn na Abraham daa ne gyidi a ɔwɔ wɔ Onyankopɔn mu no adi?
2. Sɛn na Sara nso gyidi da ne ho adi?
3. Adɛn nti na Abraham ne Sara kɔɔ so nyaa Onyankopɔn bɔhyɛ mu gyidi (nkyɛkyɛm 11)
4. Yɛn bere so yi, sɛn na wosi hu Onyankopɔn fa?

Awiei

Ɛsɛ sɛ yɛdɛ Onyankopɔn aɛm a waka akyerɛ yɛn no nantew. Sɛ yɛdɛ n' aɛm nantew a, ɛno na ɛboa ma yɛn gyidi tumi nyin . Ɛba no saa a, yetumi nya ne mu ahotoso kɛsɛ. Sɛ yemia yɛn ani yɛ osetie ma Onyankopɔn a, ɛboa ma ne bɔhyɛ a wahyɛ yɛn no ba mu wɔ yɛn abrabom. Momma yɛnhyɛ ase ntu gyidi anammɔn nkakrankakra wɔ Onyame mu, na ɛnkyɛ koraa, yɛn gyidi beyin ayɛ kokoroo wɔ Kristo Yesu mu- Amen

Onyankopɔn adiyifo no adansedi

Adesua 9: Bɔne hyɛ Onyankopɔn awerɛhow

Nnianim

Ade biako a ɛtwe yen ne Onyankopɔn ayɔnkofa ba akyi ne bɔne. Akwan ahorow pii na bɔne nam so da ne ho adi wɔ yen asetena mu. Ɛmfa ne ɔkwan ko a obi nam so beyɛ bɔne, nea Onyankopɔn aka no, na waka. Hwee rentumi nsesa n' adwene wɔ bɔne ho. Sɛ Nyame mma ye bɔne tia no a, etumi ye no yaw pii. Yenhwɛ sɛnea ye ye bɔne a, esi te fa wɔ Onyankopɔn akoma mu nne.

Nkaesɛm, Genesis 6: 5-6

“ Na Awurade hui sɛ onipa bɔne dɔɔso pii wɔ asaase so , na wɔn komam adwene nyinaa ye bɔne nko daa nyinaa. Na Awurade nuu ne ho sɛ ɔyɛɛ onipa wɔ asaase , na ɛyɛɛ no yaw ne komam.

Adesua no ho nsemisa

1. Dɛn ho na Awurade bɔɔ ɔman Israel sombo?
2. Wɔ nkyekyem 2-3, na Isrealfo bɔne a wɔreyɛ no daakye ho nsunsuanso ne dɛn?
3. Adɛn nti na wosusuw sɛ Onyankopɔn rennye safo no ntom wɔ ne fi?
4. Dɛn na yɛbeyɛ ama yen nso yeatumi akyi bɔne sɛ Onyankopɔn ara pɛ?

Awiei

Onyankopɔn ama yeahu sɛnea n' akoma te fa wɔ bɔne ho. Saa ara nso na wama yeahu sɛnea n' ani nnye wɔn a wɔtena bɔne mu. Onyankopɔn nsosɔ amumuyɛfo so. Bere a yen nyinaa yeretwɛn Kristo mmaɛ a ɛto so abien yi, momma yenhyɛ no nso sɛ, sɛ yɛbɛkɔ soro no bi oo, sɛ yenkɔ bi oo, ne nyinaa gyina yen suban ne yen nneyɛ so. Nneyɛ bɛn na woda no adi, bere a wo ne Onyankopɔn nam yi?

Adesua 10: Onyankopɔn ma ne mma anidaso, Hosea 6:1-3

Nnianim

Ɛnam ɔdɔ kɛsɛ a Onyankopɔn wɔ ma ne mma nti, ɛyɛ den sɛ obegyaw yɛn sɛ, yɛnkɔ so nantew bɔne mu daa. Efi da a Onyankopɔn hyɛɛ yɛn ɔgye ho bɔhyɛ no, onnyaw yɛn da. Wafa akwan ahorow pii so sɛ obegyɛ yɛn afi bɔne tumi ase, na amfa yɛn numum. Nnɛ adesua no fa nea yɛbɛyɛ ama yɛn nsa atumi aka saa bɔhyɛ no a yɛn ani da so no.

Nkaesɛm 1 Yohane 1:9

“ Sɛ yɛka yɛn bɔne kyerɛ a, ɔyɛ ɔnokwafo ne ɔtreneeni sɛ ɔde yɛn bɔne bɛkyɛ yɛn , na watew yɛn ho afi nea ɛntɛ nyinaa mu”

Adesua no ho nsemmissa

1. Hefa na yɛn bɔne ho asotwe fi ba?
2. Sɛ yeguan toa Onyankopɔn wɔ yɛn bɔne ho a, den na ɔbɛyɛ?
3. Sɛ yeguan toa Onyankopɔn saa a, den na ɛsɛ sɛ yɛyɛ - Nkyekyem 3.
4. So mfaso bi wɔ yɛn guantoa no akyi?

Awiei

Dodow no ara ne yɛn a sɛ yɛyɛ bɔne a, ɛyɛ den ma yɛn sɛ yɛbɛgyɛ atom. Yɛntaa nnye ntom koraa. Nea ehia titiriw wɔ yɛn asetena nyinaa mu ne sɛ, yɛn nsa betumi aka Onyankopɔn bɔhyɛ a ɔnam ne dom so de abɛdom yɛn kwa no bi. Bɔne bɛn na woayɛ a ɛho behia sɛ, wode bɛkɔ Onyankopɔn anim nnɛ? Hwɛ na wansɛɛ bere wɔ ho koraa bio. Fa kɔ n’ anim seesei ara.

Adesua 11: Daakye ho mfonI I , Daniel 2:31-35, 44-45

Nnianim

Biribiara a efa daakye ho no da Onyankopon anim adagyaw. Onim daakye yiye. Nnipa pe se wohu nea ewo daakye mu. Eyi ma nnipa pii ye nhwehwem ahorow. Enam eyi so ama nnipa pii akopue mmeae bebre a, wanso dae se wobeko. Onyankopon nyi biribi a ebese daakye, fa biribi ho nkyere yen kwa. Ewo nea enti a oye saa. Onyankopon ahye da ayi asaase a yete so yi ho daakye akyerere onipa. Momma yanka Ohene Nebukadnesar ho, na yenhwe nea Onyankopon wo ma yen nne.

Nkaesem: Yesaia 46:10

“Me a mifi mfiase meka awiei asem, na mefi tete mmere no meka nea wonyee no, Meka se: me tirimpow begyina , na nea eso m’ ani nyinaa meye.

Adesua no ho nsemmisa

1. Kyerere yen nea Ohene Nebukadnesar hui wo ne daeso mu no kyerere yen.
2. Den na na eye soronko wo obo no ho?
3. Awerewhem ben na ese se yanya – Nkyekyem 44?
4. Wo ahene ahorow a atwa yen ho ahyia nyinaa no, sen na ese se yebow yen bra fa?

Awiei

Onyankopon pe se one nipa tena afebo wo soro. Nneema a atwa yen ho ahyia nso, Onyankopon ama yehu nea ebeto won nyinaa. Nea chia yen nyinaa no, waka akyerere yen, senea ebepoa yen ama yehu senea yebepo yen bra. Nea Onyankopon aka se ebese no, obiara ntumi nsesa no. Nea ete biara no, nea waka no, obeye. Den na wokuram- Obode no anaa abode bi?

Adesua 12: Daakye ho mfonii II , Daniel 12:1-3

Nnianiim

Yɛntena asaase yi so afeboɔ. Nea ɛte biara no, da koro wobegyaw ha akɔ. Sɛ wogyaw ha kɔ a, Onyankopɔn bebu wo atɛn afa ɔkwan a wofaa so tenaa asaase yi so. Sɛ yetumi hu botae nti a Onyankopɔn de yɛn betenaa asaase yi so a, ɛbeboa yɛn ama yeatumi ayɛ saa botae no ho adwuma. ɛba no saa a, daakye yɛn nsa beka nkonim abotiri no. Daniel huu biribi a na ɛho hia yiye. ɛno na yɛbehwe no nne.

Nkaesɛm: Daniel 12: 3

“ Na mmadwemma no behyɛrɛn sɛ wim hyɛrɛn, na wɔn a wɔdan nnipa bebree kɔɔ trenee mu no beyɛ sɛ nsoromma daa daapem”

Adesua no ho nsemisa

1. Dɛn na yehu wɔ akenkansɛm no mu sɛ ɛbeda ne ho adi wɔ nna edi akyiri no mu?
2. Dɛn na yebegyina so agye ebinom nkwa –Nkyekyem 1?
3. Hefo na wɔbehyɛrɛn wɔ Onyankopɔn anim no?
4. Dɛn na ɛsɛ sɛ yeɛye no wɔ yɛn asetena mu, ama yeatumi abɛka wɔn a wɔbehyɛrɛn no ho?

Awiei

Onyankopɔn boɔ yɛn no, ɔkyɛɛ obiara biribi. ɛsono obiara ne n’ adom akyɛde, ne nea otumi ye. Onyankopɔn hyɛ da na ɔyeɛ no saa, sɛnea ɛbeyɛ na obiara betumi de n’ dom akyɛde no aboa n’ adwuma. Sɛ yetumi hyɛ eyi nso a, ɛbeboa yɛn, ama kakra biara a yetumi ye no, yeayɛ no yiye . ɛba no saa a, Onyankopɔn betɔ ne soro bosu agu so, ama no atumi anyin nkakrankakra akosi sɛ, yɛn dom akyɛde no bedi mu. Eyi ne emudi a, ɛde anuonyamhyɛ brɛ Onyankopɔn.

Osuboni Yohane dwumadi

Adesua 13: Osuboni Yohane ho nkɔmhyɛ (Malaki 4:1-6)

Nnianim

Onyankopɔn nam nipa so na ɛda n' atirimpɔw adi. ɛnam sɛ ɔɔɔ yɛn fi n' akoma mu nti, biribiara a ɔpɛ sɛ ɔyɛ no, ɔɔɔ yɛn koko wɔ ho, ama yɛahu nea ɛreba. ɔfaa onipa bi a ɔte saa so, de bɔɔ nnipa koko bere tiawa bi mu. Bere a yɛresua ade afa saa onipa yi ho no, momma yɛn nso yɛndwendwen ho, na yɛnhu nea enti a Awurade apaw yɛn.

Nkaesɛm: Malaki 4:6

“ Na ɔbedannan agyanom koma aba mma so, ne mma koma aba agyanom so, na mamma mamfa mmusu mammɛbɔ asaase no.

Adesua no ho nɛmmisa

1. Akwan bɛn so na akenkansɛm no fa so ka Awurade mmaɛ no ho aɛm?
2. Dɛn na akenkansɛm no nso ka fa wɔn a wodi Awurade ni no nso ho?
3. Dɛn na Awurade ahyɛ sɛ ɔbɛyɛ ansa na saa da no adu?
4. Dwuma bɛn na Onyame somafo no bɛba abedi?
5. Akwan bɛn so na wosusuw sɛ, Onyame betumi afa de aka ɔne onipa abom bio?

Awiei

Onyankopɔn pɛ sɛ ɔne onipa nya nkabom bio. ɛnyɛ nɛnɛ na ɔhyɛɛ ase kaa eyi ho aɛm kyɛrɛɛ onipa. ɔnam saa kwan yi so afɛfɛre nnipa pii mmere a atwam de abɔ saa aɛm yi ho dawuru akyɛrɛ nnipa mma. Onyankopɔn mmfɛɛ yɛn te sɛ Osuboni Yohane, nanso yemmisa yɛn ho sɛ, “ Akwan bɛn so na yɛbɛfa de abɔ aɛmpa no ho dawuru akyɛrɛ afoforo”

Adesua 14:Osuboni Yohane mmae, Luka 1:76-80

Nnianim

Biribiara a efa nipa ho de bere na eye adwuma. Biribiara wo ne bere. Yewo mmere a yeahye ama nneema bi se emmra mu. Bere no du pe, woye ho hwee a, enye yiye. Se yetumi gye saa asem yi tom a, ebeboa ma yeatumi asom Onyankopon wo nokware mu. Ebetumi nso ama yehu nea enti a yeda so te ase de besi ne. Yenhwe senea eyi da ne ho adi wo Osuboni Yohane abrabo mu.

Nkaesem: Osenkafo 3:1

“ Ade biara wo ne bere a woye no, na ebere wo ho ma adwuma nyinaa osoro ase:

Adesua no ho nsemmisa

1. Dwuma ben na yesomaa Osuboni Yohane se ommedi?
2. Den na na yeaka afa Onyankopon ho a ese se obedi ho dwuma?
3. Aden nti na otenaa sare so kakra ansa na ohye n' adwuma ase?
4. Dwuma ben na mmere di wo nea Onyankopon ahyehye se obefa yen so aye ho?

Awiei

Da koro, obiara bebu n' abrabo a oboo wo asaase yi so ho akontaa akyere Onyankopon. Se yebetumi de yen mmere aye biribi papa bi wo asaase yi so a, gye se yetumi nya nhumu fa Nyankopon ne senea ode bere ye n' adwuma fa. Momma yensiesie yen ho se, daakye yebebu akontaa pa akyere Onyankopon wo nea ode ahye yen nsa biara ho. Se eye kese oo, se eye ketewa oo, ese se yetumi yesiesie yen ho se, se don no du a, yebetumi abu akontaa pa bi akyere no.

Adesua 15: Osuboni Yohane brε ne amanehunu. Matthew 14:1-12

Nnianim

Entaa nsi se nnipa papa di dεw daa, gye se ebia anansesem mu.Nnipa papa taa hu amane wε abrabε mu yiye.Osuboni Yohane ye obi a εbrεε yiye wε Onyame adwuma ho, nanso n' awiei antumi anyε senea yen nyinaa pε no.Dεn na yebetumi asua afi n' awiei no mu? εno na yεbεhwε no nne.

Nkaesem: Yohane 12:24

“ Nokware nokware, mise mo se, awifua anto fam anwu a, εwε ho koro no ara ; na se ewu a , εsow aba pii.”

Adesua no ho nsemmisa

1. Aden nti na yede Osuboni Yohane kεtoo afiase?
2. So na saa asotwe no fata no?
3. Bere a εhene Herode pεε se εsε nnipa ani no, dεn na εde bae ?
4. So Onyankopon ne Yohane dii no yiye?

Awiei

Ade biara a εwε ahyεase no wε awiei.Awiei no ntaa mma no senea yεpε. εmfa ho ne bere a yεwε mu, Onyankopon na mmere nyinaa hyε ne nsa.Se yen koma betumi ato yen yam a, na εse se yetumi gye tom se Onyankopon ka yen ho bere biara.Biribiara a εpε na εma ho kwan se ensi.Nea εde anuonyam bεbrε no na εma ho kwan se ensi.Hyε wo ho den, Onyankopon nyii n' ani mfii wo so ε. εda so dwene wo ho se εbεma no awie wo yiye wε ade nyinaa mu.

Kristo mmae a eto so abien no botae ne nea ese se yehye no nso.

Adesua 16: Ani nyinaa behu, Adiyisem 1:4-7

Nnianim

Nneema atitiriw pii na efa Kristo mmae a eto so abien no ho. Esee se yebɔ mmɔden hye saa nneema yi nso na aboa yen. Asɔfo bebreɛ na asɔre wɔ nne wiase yi mu. Eyi nyinaa ye nneema a ekasa fa Kristo mmae a eto so abien no ho. Eho behia se yebɛhye nneema atitiriw bi nso afa Kristo mmae no ho. Ye besua ade afa emu baako ho nne.

Nkaesem: Adiyisem 1:7(a)

“ Hwe, ɔnam mununkum mu reba...”

Adesua no ho nsemmissa

1. Hena na Yohane rekasa akyerɛ no ?
2. Dɛn na Onyankopɔn de ama yen? Gyinabea bɛn na ɔde yen agyina-nkyekyem 5-6?
3. Dɛn na ebedi ne mmae no ho adanse-nkyekyem 7?
4. Dɛn nti na se ɔba a, dodow no ara betew nisu?

Awiei

Se Kristo ka se, eɔa a ɔbɛba no, ani nyinaa behu no wɔ mununkum mu a, ɔmma. Onyankopɔn nim ɔkwan a ɔbɛfa so ma no abam. Nea ese se yehye no nso ne se, ne mmae no renye kokoam ade. Eye ade a ebese wɔ petee mu ma obiara ani ahu. Bere a onya mmaa yi, momma yɛnhye yen ho den. Ato nkyerekyerɛ biara a ekɔ so nne yi no, momma yemmia yen ani ntwe yen ho mfi ho, na amfa yen anko sɔhwɛ mu.

Adesua 17: Kristo beba mpofirim, I Tesalonikafo 5:1-6

Nnianim

Se dwumadi bi da yen anim a, mpen pii no, yetaa pe bere de toto nneema ansa na adu so. Se ba no saa a, yetumi nya mmere a efata de di saa dwuma no. Ahosiesie no nti, yen ho nkyere yen. Efa Kristo mmae a eto so abien no, Onyankopon asiesie ne ho ato ho, nanso onnaa da ko no adi nkyere obiara e. Momma yenhwe nhyehye e a Onyankopon aye ato ho ama ne mma, ama ne mmae no ammeto yen mpofirim.

Nkaesem: Marko 13:33

“Monhwe yiye, monwen na mommo mpa! Na monnim da ko a bere no bedu.

Adesua no ho nsemisa

1. Nsemfua ben na eka Kristo mmae a eto so abien no ho asem wo akenkansem no mu?
2. Aden nti na Kyerewsem no se, yemma Kristo mmae a eto so abien no mmoo yen hu?
3. Afotusem ben na Kyerewsem ka kyere agyidifo?
4. Akwan ben so na yebefa de asiesie yen ho atwen saa da kese yi?

Awiei

Nneema pii na bonsam de twintwan yen akwan mu. Ne botae a ode ye saa nyinaa ne se ode betwe yen adwene afi nneema a efa osoro ahenni no so. Mmom nea ope se oye ne se ode yen ani besi ahuhude so. Kyerew no retu yen fo se, yemma yen ani nna ho, na yenwen. Afei nso, ese se yehwe yen ho so yiye wo nneema a edi yen asabawmu no ho. Nyame Honhom Kronkron aye krado se obeboa yen wo akwanuasa nyinaa mu.

Adesua 18: Wie wo nkwagye ho adwuma no koraa, I Korintofo 15:22-28

Nnianim

Bere a onipa yee bone wo Eden Turom mu no, owui wo honam ne honhom mu nyinaa. Yesu wu a owui no ama yen tumi wo owu so. Eno nkyere se yerenwu wo asaase yi so. Kristo mmae a eto so abien no wo nea ede beye owu, ne titiriw ne honam yi mu wu. Yen nkunimdi kese a etwa to koraa wo owu so no aben .

Nkaesem: Korintofo 15:55

“Owu , wo nkonim wo he? Owu wo nwowee wo he?”

Adesua no ho nsemmisa

1. Nsonsonoe ben na ewo nea yanya fii Adam mu ne nea yanya afi Kristo mu?
2. Awiei ben na akenkansam no ka ho asem no?
3. Otamfo a etwa to a yebesee no ne den?
4. Aden nti na wosuw se , enam nea ebese nti, ese se akristofo ani gye?

Awiei

Biribiara a Onyankopon hye ase no, ode ba awiei pa wo anuonyam mu. Onyankopon hyee bo se, anuonyam a onipa hweree nyinaa wo Eden turom mu no, obesan de ama no. Nea waka se obeye no, eno ara na obehwe se ebaba mu daa ama yen. Enkye koraa owu betwam afi yen abrabo mu. Yerenhu owu bio. Kristo Yesu mmae a eto so abien no di adanse se, yen ne Kristo betena n' ahenni mu daa afebo.

Adesua 19: Awufo benyan, Yohane 5:24-29

Nnianim

Ade biako a na εho asem haw kan agyidifo no ne won a wobewu ansa na Kristo aba .Kristo Yesu ankasa kasa faa ho ma won akoma too won yam.Biribi wo ho a εεε se yeεε ansa na yewu a y.Nne adesua no beka ho nsem pii akyerε yen.

Nkaesem: Mateo 27:52

“ Na aboda buebuei , na nnipa kronkron a adeda no amu bebree nyannyanee”

Adesua noho nsemmisa

1. Nhyehyεε ben na won a wope se wonya nkwaye no, εεε se wodi so?
2. εda a Kristo beba no, hefo na wobete ne nne?
3. Se awufo nyan a, den na ebesi?
4. Binom nnye nni se, da a Kristo beba no, awufo nso benyan.Den wobeka akyerε saa nkorofu no ?

Awiei

Adamo a mu nye baabi a etwa to a onipa beda de agye n' ahome afeboo.εye baabi a nnipa beda de atwen da kese bi a εreba.Bere a Yesu dii owu ne ne ho hu so nkonim no , ogyee owu safe fii bonsam nsam.Seesei Yesu adi owu so nkonim.Da a obeba no, obenyan nnipa nyinaa ama wabegyina Onyame tumfuo no anim.

Adesua 20: Yebebu yen asaase yi so asetena ho akontaa , II Kor. 5:9-11

Nnianim

Woyi nkontaabu fi yen asetena mu a enye ye.Biribiaara a yeεε no wo yen adwuma mu no, yebo mmoden se yebebu ho akontaa akyerε.Saa ara nso na nea εko so wo yen sukuu ne afiafi nso, yetaa bu ho akontaa ara ne no.Nneεma bebree na yebu ho akontaa kyerε. Onyankopon su no mu baako a yeda no adi ne se yebebu nea yeεε

biara no akontaa. Nea eyi kyerε yεn ne sε, yεn nso daakye, yebebu yεn asaase yi so asetana ho akontaa akyerε Nyankopon.

Nkaesεm : II Korintofo 5: 10

“ Na etwa yεn nyinaa ne sε yekopue Kristo atemmu agua anim ho , na obiara anya nea onam ne nipadua so yεε, papa oo, bone oo, nea oyεε no”

Adesua no ho nεmmisa

1. Dεn na εsε sε yεn nyinaa pere ma yεn nsa ka?
2. Adεn nti na εsε sε eyi ho hia yεn?
3. Adεn nti na wosusuw sε Kristo beba abεfa n' asore ako?
4. Dεn na εsε sε yεyε suban ne nneyεε a εremmoa yεn daakye wε atemmu agua no anim?

Awiei

Sεnea yεpε sε yεbε yεn bra fa biara no, εpε no wε yεn nkyεn, Onyankopon de yεn pε ama yεn. Akyεde kεsε biako a Onyankopon bεε nipa no, εde maa no ne ne pε. Wannye onipa pε amfi ne nsam. Nokwasεm baako nso ne sε, nea yεbεyε biara wε asaase yi so no, daakye yebebu ho akontaa akyerε Onyankopon. Akatua a yebenya no begyina nea yεyεε so. Sε yεyε nea eye a, yebenya akatua pa. Saa ara nso na sε yεanyε ne εfata nso a, yebenya so asotwe. Nea woreyε no mprenpren biara no, kae hu sε, daakye wobεnya so akatua pa anaa asotwe a εfata wo.

Adesua 21: Kristo beba abebu nnipa nyinaa atεn. Mateo 25:31-40

Nnianim

Kyerεw Kronkron no ka sε, “ Na sεnea εda ho ma nnipa sε wobewu pεko, na εno akyi atemmu beba no . Momma yεnhyε no nso sε, εbesono εkwan a Onyankopon bεfa so de abu agyidifo atεn, εna εsono sεnea εbεyε wεn

wɔannye anni no nso de. Se Kristo ba nne a, ɔkwan ben so na ɔbefa abu aten no? Momma yensua biribi mfi nne adesua no mu.

Nkaesem: Galatifo 6:10

“Enti yewɔ bere a efata yi, momma yenyɛ nnipa nyinaa yiye, ne titiriw no wɔn a woyɛ gyidi fifo”

Adesua no ho nsemmissa

1. Yɛbɛkyɛ nnipa mu akuw abien. Kyerɛkyerɛ saa akuw abien yi mu.
2. Den so na yebegyina de akyekyɛ saa akuw abien yi mu?
3. So eho behia sɛ nea yekura mu biara a emfata no, yebegyaw mu?
4. ɔkwan ben so na yɛbefa ama yɛn nso yɛatumi afata Kristo atemmu no wɔ nne wiase yi a bɔne amene no yi mu?

Awiei

Ɛsɛ sɛ Okristoni biara abrabo yɛ nea ɛso ani, na etumi nya nsunsuanso papa wɔ wɔn a wɔmmɛgye nnii no so. Ɛsɛ sɛ yɛn abrabo yɛ nea afoforo betumi ahwɛ so na aboa wɔn. Sɛnea Onyankopɔn de nea ehia yɛn ma yɛn no, saa ara na ɔhwɛ kwan sɛ yɛn nso yɛbɛma afoforo bi. Ɛnyɛ nea Onyankopɔn hia wɔ yɛn nkyɛn ne sɛ yɛbenya yɛn ho bebree a yɛmfa mmoa obiara, na mmom nea ɔpɛ sɛ yɛyɛ ne sɛ, ɔnam yɛn so de yɛn ahonya bɛboa afoforo.

Adesua 22:Krito begye asɔre , Tesalonikafo 4:13-18

Nnianim

Nyame mfa n' asafo nni agoru koraa. Ɔdo n' asɔre yiye, na ɛda n' akoma so yiye. Asɔre no gyina ho sɛ Kristo nanmusini wɔ asaase yi so. Asɔre yi da so wɔ

asaase yi so de, ebeko so ako ohaw ne amane pii mu. Nyame asore nni asaase yi so keke. Ewo ha se ebedi dwuma ama Kristo. Se Kristo ba bio a, den na ebeto n' asore? Nne adesua no bekasa afa ho.

Nkaesem: Yohane 14:3

“Na se meko na mekosiesie baabi mema mo a, meba bio, na mabefa mo makom' ankasa me nkyen, na nea mewo no, mo nso moaba ho”

Adesua no ho nsemisa

1. Hena na obeba abefa asore no afi ha ako?
2. Den na na eye Tesalonikafo haw biako?
3. Den nti na wosuw se Kristo beba abefa n' asore ako?
4. Ahsiesie ben na yebetumi aye de atwen Kristo mmae a eto so abien no?

Awiei

Asore no gyina ho se Kristo ayeforo. Ayeforokunu no hwe kwan se obeba abefa ne yere ako nea wo. Kristo beba abefa n' asore ne no akotena afebwo. Eyi ne asore a ode n' ankasa mogya ato. Momma yemmo yen ho mmoden se, se nne Kristo ba a, yebeka n' ayeforo no ho. Mommma yenntena asore yi mu mmo abrabo a enhye Kristo anuonyam.

Mme ahorow a efa Kristo mmae a eto so abien no ho.

Adesua 23: Awi ne wura ho be, Mateo 13:24-30

Nnianim

Yesu kyerekyerere pii faa ne mmae a eto so abien no ho. Nea okae nyinaa ye nokwasem a ebepoa yen ama yeatumi ahu nneema pii afa awiei bere no ho. Kristo nam abebu ahorow so na okaa saa nsem yi kyerere yen. Ne botae nyinaa ne se yebetumi ahu nea eda yen anim. Awi ne wura ho asem ye ne kasabebu no mu baako a ekasa fa ne mmae a eto so abien no ho.

Nkaesem: Mateo 13:25

“Na nnipa dae no, ne tamfo bae beguu wura bɔne bi awi no mu, na ofii hɔ kɔe”

Adesua no ho nsemisa

1. Dɛn na ɔtamfo no yee, enna bere ben na ɔyee saa?
2. Adɛn nti na owura no kaa se apaafɔ no ntwen kosi twabere?
3. So eho behia se yebɛhaw yen ho wɔ Nyame nkorɔfo a wɔnye papa no ho? Adɛn ntia?
4. Dɛn na yebetumi ayɛ de ase awi, na mmom enye wura?

Awiei

Nnipa pii na wɔn bo haw wɔn wɔ Nyame nkorɔfo a wɔnna suban pa adi no ho. Binom mpo tumi ko wɔn ho ntɔkwaw. Wɔn a wɔye saa no, suban tumi kanyan afoforo ma wɔda suban ahorow a emfata adi. Nea ete biara, saa nkorɔfo yi awiei bɛba. Seesei a yeatumi ahu sɛnea awiei mmere no beye no, eho behia se yebɛhwe yen akwan so yiye, ama yeatumi agyina hɔ pintinn, atwen Kristo mmae no.

Adesua 24:Mmabaa mmadwemma ne nkwasea, Mateo 25:1-13

Nnianim

Ahosiesie ho hia wɔ biribiara a yeye mu. Se yerebeyɛ biribi na yesiesie yen ho yiye a, etumi ma yen awerɛhyem kese se, yebedi nkonim. Na se worebeyɛ biribi na se woansiesie wo ho yiye nso a, dɛn na ebeto wo? Momma yenhwe nea yebetumi asua afa mmabaa du bi a, wokɔ se wɔrekohyia ayeforokunu bi wɔ ayeforohyia bi ase.

Nkaesem: Mateo 13:13

“Enti monwen , na munnim da anaa don ko no”

Adesua no ho nsemmisa

1. Hefo na na wɔrekohyia ayeforokunu no?
2. Nsonsonoe ben na na eda mmabaa mmadwemma ne nkwaseafo no tam?
3. Sen na wode nkyekyem 5 no betoto yen mprenpren wiase yi ho?
4. Den na yebeye de akwere se, yewo ngo wo yen ho a yede retwen ayeforokunu no a, eye Kristo Yesu mmae a eto so abien no?

Awiei

Woawe atae so se, nea ete biara no, woasiesie wo ho retwen ayeforokunu no? Woawe atae so se, emfa ho ne senea ayeforokunu bekye afa biara, woasiesie wo ho se, wo ne no beto nsa adidi? Ahosiesie a yebeye no nne no na ebekwere se, se ayeforokunu no ba nne anaa okyena a, yebeko bi anaa yenko bi. Honhom Kronkron ahoden ne ahohyeso na ebetumi aboa yen, ma yeatumi agyina akosi se ayeforokunu no beba.

Adesua 25: Osom adwuma yi ho nkontaabu, Mateo 25:14-19

Nnianim

Ohwefo ne ne wura nye pe. Nsonsonoe da won ntam. Ohwefo anaa osomfo ye obi a yede agyapade ahye ne nsa se onhwe so.. Ehia se ohwefo biara besiesie ne ho se, nea yede ahye ne nsa biara no, obebu ho akontaa. Ahosiesie ben na yeaye se yede bebu akontaa akwere yen wura no? Onyame asem kyere yen se, daakye yebebu akontaa akwere yen wura Kristo Yesu. Momma yenhye no nso.

Nkaesem: Hebrifo 9:27

“Na senea eda ho ma nnipa se wobewu preko na eno akyi atemmu beba no”

Adesua no ho nsemmisa

1. Na agyapade no ye hena de, na hefo na ode hyee won nsa no?

2. Dɛn na owura no gyinaa so de kyɛɛ talente no maa ne nkoa no?
3. Sɛn na wote nkyekyem 19 no ase fa?
4. Kwan bɛn so na yɛbɛfa de nkyekyem 19 no abɔ yɛn bra?

Awiei

Sɛ yekogyina dibeɛ bi a ɛkorɔn a, ɛho anigye ne ahohoahoa nti, yɛn wɛrɛ koraa tumi fi sɛ yehia Nyame banbɔ. Momma yɛnhɛ no nso sɛ, biribiara a yɛwɔ no, Onyankopɔn na ɔde ahyɛ yɛn sɛ yɛnhwɛ so. Ne saa nti, da koro, yɛbɛbu biribiara ho akontaa akyerɛ no sɛ yɛn wura. Adɛn nti na momma yɛnsiesie yɛn ho mfa ntweɛn saa atemmu da no?

Nsɛnkyerɛnne a edi Kristo mmae a ɛtɔ so abien no anim

Adesua 26: Yɛn kan dɔ a ayera , Adiyisɛm 2:1-7

Nnianim

Wɔ yɛn asetena mu no, sɛ obi pɛ obi anaa ɔdɔ no a, ne suban ne ne nneyɛɛ nyinaa tumi ma afoforo hu sɛ ɔdɔ saa nipa ko no. Saa ara nso na sɛ ɔdɔ a ɔwɔ ma saa onipa ko sa a, yetumi hu wɔ n'adeyɛ nyinaa mu. Wɔ bere a ɛnkyɛ na Kristo ayi ne ho adi bio no, sɛn na dodow no ara dɔ a wɔwɔ ma Kristo no bɛyɛ? Momma yɛnhwehwe .

Nkaesɛm: Deuteronomium 6:4-5

“ Israel, tie, AWURADE yɛn Nyankopɔn ne Awurade koro. Na fa wo koma nyinaa ne wo kra nyinaa ne w' ahɔɔden nyinaa dɔ AWURADE wo Nyankopɔn.

Adesua no ho nsɛmmisa

1. Wɔ nkyekyem 2-3 no, dɛn ho na Awurade bɔ nne asɔre no abaso wɔ ho?
2. Dɛn na Onyankopɔn wɔ tia wɔn?
3. Sɛn na wote nea Onyankopɔn wɔ tia n' asɔre no ase?
4. Ɔkwan bɛn so na yɛbɛfa de abɔ yɛn kan dɔ a yɛwɔ ma Awurade no ho ban na anyera amfi yɛn mu?

Awiei

Ɛhe na ɔdɔ a wowɔ ma Onyankopɔn no akodu? Sɛ wode ɔdɔ a wowɔ ma Awurade nne toto bere a wobegyee no dii foforo no a, ɛte sɛn? Dɛn na wogyɛ di sɛ aboa akanyan wo dɔ ama Awurade de besi seesei yi? Nne Onyankopɔn retu yɛn fo sɛ, yɛnsan nkɔfa nkanyan, ahofama ne anuɔden soronko a na yɛde som no no bio. Saa nneɛma yi ho hia yiye wɔ yɛn Nyamesom mu.

Adesua 27: Adefo wɔ Nyame mu, Adiyisɛm 2:8-11

Nnianim

Nnipa bebree adwene a wokura nne ne sɛ, sɛ obi som Onyankopɔn de a, ɔne ɔhaw, amane ne ahokyere abɔ nsaneho. Ɛnam saa adwene yi a yekurae nti, sɛ ɔhaw kakraa bi ba onipa no so pɛ, na yesusuw sɛ wakoyɛ kokoam bɔne bi nti na ɔreko saa ɔhaw anaa amane no mu. Ɛyɛ nokware saa? Sɛ yɛde mudi ne nokware som Onyankopɔn, na ɔhaw bi ba yɛn so a, dɛn na ɛsɛ sɛ yɛyɛ? Nne adesua no beboa yɛn ama yɛanya ano mmuae.

Nkaesɛm: I Petro 5:10

“Na ɔdom nyinaa Nyankopɔn a wafre mo aba ne daa anuonyam no mu Kristo mu no, ɔno ara na sɛ munya hu amane kakra ansa a, obesiesie mo pɛ, ɔbɛma moa se atim , ɔbɛhyɛ mo den , ɔbɛma moanya nnyinaso”

Adesua no ho nsemisa

1. Dɛn na Onyankopɔn bɔ wɔn abaso wɔ ho?
2. Dɛn na Onyankopɔn ka sɛ ɛrebeto binom?
3. Dɛn nti na wosusuw sɛ Onyankopɔn na otumi ma ho kwan ma ɔhaw tumi ba agyidifo so?
4. Sɛ yɛbɔ abrabɔ pa na ɔhaw bi ba yɛn so a, dɛn na ɛsɛ sɛ yɛyɛ?

Awiei

Ɔhaw ne amane ye ade nnipa kɔ mu daa. Akwan a nnipa befa so de adi ɔhaw ne amane so abeye biribi a ene yen di asi wɔ yen asetena mu daa. Onyankopɔn nko na onim nea enti a otumi ma ho kwan ma ɔhaw ba yen afa. Eɛ se yema no hye yen den se, Onyankopɔn ne yen wɔ ho daa na onyi n' ani mfi yen so.

Adesua 28: Atoro kyere redi hene, Adiyisem 2:12-17

Nnianim

Biribi sii bere a onipa ne bonsam hyiae kan wɔ Kyerew Kronkron no mu. Ɔbonsam sesaa Onyankopɔn asem a waka no. De besi nne yi, ɔda so kura saa suban no. Ɔnsesaa e. Bere a enkye na Kristo aba yi, Kyerew Kronkron no tu yen fo se, n' ani abere yiye, nti yenhwe yen ho so yiye. Ɔkwan ben so na yebefa atumi atwiw afa ne nneɛ no so? Kristo wɔ nsem bi ka kyere yen nne.

Nkaesem: I Timoteo 4:1

“ Na honhom no ka fann se akyiri nna no mu no, ebinom befam nnaadaa ahonhom ne ahonhom mone kyerekere ho atwe won ho afi gyidi no ho”

Adesua no ho nsem misa

1. Beae ben na saa akyidifo no te- Nkyekyem 2?
2. Nsunsuanso ben na wɔama won ho kwan ma anya wɔ won so?
3. Nne wiase yi nam akwan pii so reye anya nsunsuanso bone wɔ yen Kristosom gyidi fapem ahorow so. Ka kakra ho asem kyere yen.
4. Akwan ben so na yebetumi afa de abɔ yen Kristosom gyidi fapem ahorow no ho ban?

Awiei

Nokware beko so adi hene wɔ atoro so daa. Edu baabi na wanhwe no yiye a, wobeka se atoro redi hene, nanso enye saa na Nyamesem kyere yen. Se yesua Nyame asem yiye na yema no tena yen mu a, ebeboa yen ama yeatumi ahu nea eye

nokware ne nea enye nokware. Den na woreye ama Nyame asem atumi atrew aye kесе wo wo mu. Se Nyame asem tumi ye kесе wo yen mu a, eno na ebetumi aboa yen ma yeatumi atwiw afa nkyerekyere bone a abu so wo nne wiase yi mu.

Adesua 29: Akandifo bone pii na dodow no ara bo gye won so, Adiyisem 2:18-29

Nnianim

Awo ntoatoaso biara wo mu nnipa a woye nyaatwom. Nyaatwomfo taa ye nnipa bi a, daa wowa adwemmone tae nea woye biara akyi, nanso daa wonya nkorofu di won akyi. Saa nnipa bonefo yi nam won su so bedaadaa Nyame nkorofu wo nna a yewo mu yi, ansa na Kristo ayi ne ho adi bio. Nyame asem pe se ekyerere yen okwan a yebefa so, atumi afi won nsam. Momma yenko so nsua biribi nso nne.

Nkaesem: I Yohane 4:1

“ Adofu, munnnye ahonhom nyinaa nnni, na mmom monso ahonhom no nhwe se wofi Nyankopon anaa? Efise atoro adiyifo bebree aba wiase”

Adesua no ho nsemisa

1. Den na na Nyame wo tia saa asore yi?
2. Dwuma ben na na oboa no di wo Nyame asafo mu?
3. Den nti na nnipa binom tumi twe afoforo ko abosonsom mu?
4. Kwan ben so na yebefa de atwe yen ho afi saa adeban no mu --- abosonsom?

Awiei

Nyame nam ne nyansa so ama yen nhumu biara a yehia ama yeatumi de ahu se obi fi Nyame anaa ommfi Nyame. Se yede safo no abrabo ne nyamesem a woka no toto Nyame asem a wokyerekyere no ho a, ebema yeha nnipa ko a woye. Momma

yenhwehwe yen mu yiye nhu se akonno bone anaa suban biara nni yen mu a ebetumi atwe yen akofam won ho anaa.

Adesua 30: Woye ntontorowa hunu keke, Adiyisem 3:1-6

Nnianim

Enye akandifo nyaatwom nko na yewo. Yen nananom atetesem tumi bo wura yen ma yede ye yen biribiara. Se wanhwe no yiye a, wonhu mpo se atetesem ne anansesem ne wode nam. Eye ade eye hu yiye wo Onyame anim, efise eno nso, Onyankopon hu no se eye nyaatwom. Momma yenhwe senea Onyankopon hu saafu no fa, ne ntenyi a wo ma won.

Nkaesem: II Timoteo 3:5

“Wokaterere won anim kyere onyamesom pa, nanso wopa emu ahoden .Saa nnipa yi, dan wo ho fi won ho!

Adesua no ho nsemmissa

1. Sen na Onyankopon huu saa asafo no mu nkorofu fae?
2. Den na Onyankopon hwehwe afi won nkyen?
3. Yebeye den ahu se ogyidini bi reyin wo ne nyamesom mu anaa oye te-ase-awu?
4. Akwan ben so na yen ankasa befa, de afotu a Nyankopon de ma yen no abo yen bra.

Awiei

Nokware ye ade a eho hia Onyankopon yiye. Onyankopon hwehwe nnipa nyinaa se won anammontu beye tee wo n' anim. Se ekodu baabi na onipa dasani dan ne ho te

se obosomaketerew, na oye ne ho nsakyi-nsayam a, ekanyan Nyankopon abufuhyew ne n' atemmu a eye hu ba yen so. Nokwasem ne se, obiara a obesi ne bo se obenantew nokware mu no, Nyame de odom kese fi soro bedom no. Momma yensre Nyame ho odom pii nne, ama yen abrabo atumi aso n' ani.

Adesua 31: Nokwaredi a enhinhim. Adiyisem 3:7-13

Nnianim

Nnipa bi si won adwene pi se won ne Awurade benantew yiye a Kyerew Kronkron no aka ho asem. Nnipa a ete saa no, emfa ho ne nea wobeko mu, wotumi gyina ma Awurade. Nyame wo biribi ka kyere yen fa saa nnipa no ho. So woka nnipa a ete saa no ho? Yen adesua yi beboa yen ama yeatumi anya ho anoyi.

Nkaesem: Adiyisem 3:8

“ Minim wo nnwuma. Hwe, mede opon a wohaie masi w' anim a obi ntumi ntom, efise wowo ahoden ketewa , nanso woadi m' asem so, na woampa me din”

Adesua no ho nsemmissa

1. Wo nkyekyem 8 no, den na Nyame gyina so de di yen ho adanse pa?
2. Bohye ben na Onyankopon de ahye won wo nkyekyem 10 no?
3. Nneema ben na emma yentumi ntena ase nokwarem mma Awurade?
4. Den na yebeye ama yeatumi atena ase nokwarem ama Awurade?

Awiei

Se yeka se obi di nokware a na ekwere se yebetumi de yen ho ato no so anaa yebetumi agye no adi. Ansa na yebetumi de yen ho ato obi so no, na egyina nea watumi aye pen ama yehu. Den na Nyame atumi aye ama wo pen? Yemma mpae nsre Onyankopon, na omma yenya n' anim adom ne anuonyam. So wobeko so adi Nyankopon nokware?

Adesua 32: Boturobodwo. Adiyisem 3:14-21

Nnianim

Se ohaw ne amane a emu ye den taa toto yen a, yetumi pa abaw wo Awurade mu. Yen gyidi koraa tumi pa wo Awurade mu. Bere a enkye na Kristo ayi ne ho adi yi, nneema pii na ebeko so asesa wo yen wiase yi mu. Enye nea yehwe kwan na yebehu. Nne adesua no fa okwan a yebefa so de atena yen mudi mu ama Awurade.

Nkaesem: Adiyisem 3:20

“ Hwe, megyina opon ano na mebo mu, se obi betie me nne na wahie opon no a, mehyen mu maba ne nkyen na me ne no abedidi ,na one me nso adidi.

Adesua no ho nsemisa

1. Nneema abiesa ben na na agyidifo no de hoahoa won ho?
2. Den na woyee de kyeree won ahofama a wowo ma Nyame no-Nkyekyem 15-16?

3. Σε γεαμφα γεν were anhye Nyame mu, na mmom yede hye wiase yi mu ahode mu a, nsunsuanso bone ben na ede bre γεν?
4. Kwan ben so na yede γεν ahode ahye Nyame anuonyam, na mmom γεμμα no mmeγε chwaw mma γεν.

Awiei

Σε γεanhwe no yiye a, nhyira a Onyame de ahyira γεν no betwe γεν adwene afi ne so akosi saa nneema no so. Σε εκoba no saa a, γεν ahofama ne odo a γεwo ma Nyame no ano bedwo. Eno nso ntumi mmoa γεν. Ede γεν beko osee kese mu. Nyame do γεν nti na orebw γεν koko, senea ebeye na amfa γεν anko chwaw mu. Momma γενhwehwe γεν akomam bio, na γεμμα Nyame ho kwan na ommedi mu hene.

Nea γεredwene ho de atwa to.

Adesua 33: Nyankopon bhye γε nokware turodoo. Yohane 14:1-14

Nnianim

Kristo Yesu nim γεν a yedi n' akyi no ahoden ne mmerewe. Onim se edu baabi na nneema nko yiye mma γεν a, γεν abaw mu tumi bu. Onim saa nti, wato ne bo ase ama γεν nneema a ete saa no ho mmuae kama. Ege se yenyane mu awerchym ne anidaso wo γεν som yi mu.

Nkaesem: Adiyisem 21:3

“ Na metee nne kese bi fi ahengua no mu a ese: Hwe Onyankopon ntamadan wo onipa mu, na obetena mu wo won mu, na woye ne nkorofu, na Onyankopon ankasa ne won betena.

Adesua no ho nsemisa

1. Hefa na Onyankopon ahye ne mma bo se ode won beko?
2. Den na ekyerε se nea oka no beba mu?

3. Dɛn nti na ɛsɛ sɛ yɛgyɛ nea Yesu ka no di sɛ ɛyɛ nokware?
4. Dɛn na yɛbɛyɛ ama yɛn nso yɛn nsa aka bɔhyɛ no bi?

Awiei

Nyankopɔn daa n' atirimpɔw a ɔwɔ wɔ onipa ho adi wɔ Eden Turom. Ne pɛ ne sɛ onipa bɛbɛn no, na ɔne no anya ayɔnkofa. Saa tirimpɔw yi nyerae ɛ. Ɔda so kura saa atirimpɔw no mu. Onyame rehyɛ yɛn bɔ sɛ, ɛda bi reba a, ɔne yɛn bedi ahyia sɛnea na ɔne Adam ne Hawa di ahyia daa wɔ Eden Turom mu no. Yɛn ne no bɛtena daa afebɔ wɔ soro. Aleluia!

Adesua 34: Wɔbɛbɔ ahohyɛsofo aba so. I Korintofo 9:24-27

Nnianim

Okristoni biara wɔ ɔtamfo. Yɛn tamfo kɛsɛ ne bonsam a ɔreyɛ nea obetumi daa sɛ, ɔremma yentumi nko nkoden nkodu nkonim abotiri no ho. Obiara nni ho obetumi aka sɛ, ɔno de, wadi bonsam so nkonim nti, obenya no tɔtorɔtɔ wɔ ne nyamesom mu. Dɛn na yɛbɛyɛ de ako adi bonsam so nkonim daa wɔ yɛn nyamesom akwantu yi mu? Ɔsomafo Paulo bɛkyerɛ yɛn nea ɔyɛ de dii no so nkonim wɔ yɛn adesua no mu nɛ.

Nkaesɛm: Marko 13:37

“ Na nea mise mo yi, meka mekyerɛ nnipa nyinaa! Monwɛn!

Adesua no ho nsemmissa

1. Adɛn nti na woretu Kristosom mmirika yi bi?
2. Adɛn nti na ahohyɛso ho hia wɔ mmirikatu biara mu?
3. Sɛ yɛanhɛ yɛn ho so wɔ nea yɛyɛ mu a, dɛn nsunsuanso na ɛde bɛbrɛ yɛn?
4. Nnɛɛma bɛn mu saa na yɛhia ahohyɛso wɔ yɛn nyamesom mu?

Awiei

Ɛsɛ sɛ okristoni biara tumi hyɛ ne ho den na otumi ko kɔ n' anim tee wɔ ne nyamesom mu bere biara. Sɛ yetumi ko nkoden di nkonim a, nkonim abotiri bi da yɛn anim retwɛn yɛn. Sɛ yeбетumi ako adi nkonim a, gye sɛ yɛwe taa so sɛ yɛbɛhyɛ yɛn ho so wɔ nneɛma nyinaa mu. Momma yɛnhwehwe yɛn abrabɔ mu yiye, na yɛmmɔ mmɔden sɛ yeбетumi ahyɛ yɛn ho so wɔ nneɛma bi a ehia ho.

Adesua 35: Monko nkoden nkodu nkonim abotiri no ho. Filipifo 3:12-14

Nnianim

Nkonimdi nyɛ ade a ɛda fam. Ɛnyɛ obiara na otumi kora nkonimdi so yiye. Etumi de ɔsɛ mpo brɛ binom sen nkɔanim. Sɛ yɛn mu binom hu nkonimdi kakraa bi wɔ yɛn abrabɔ mu pɛ, wobɛhwe na yɛatew ada koraa wɔ nea yɛyɛ biara mu. Sɛ nneɛma nyinaa kɔ yiye ma yɛn a, den na ɛsɛ sɛ yɛyɛ? So ɛsɛ sɛ yɛtew da koraa anaa yegyaɛ nea na yɛrɛyɛ no? Momma yɛnsua biribi mfi nne adesua no mu.

Nkaesɛm: Filipifo 3:14

“ Mede mmirika mɛpɛ botae no ho madu, na makonya ɔsoro frɛ a Onyankopɔn nam Kristo Yesu mu afɛ me no mu nkonimbo no”

Adesua no ho nɛmmisa

1. Mɛn pii no, sɛ biribiara kɔ yiye ma yɛn saa ara a, den mfomso na yɛtaa yɛ?
2. Den na Ɔsomafo Paulo se ɛda yɛn anim a ɛsɛ sɛ yɛpɛre kodu ho?
3. Sen na wote nkaesɛm no ase fa. Fa w' ankasa anom aɛm kyɛrɛkyɛrɛ mu kyɛrɛ yɛn.

4. Kwan ben so na yebefa atow nneema bi a edi yen asabawmu agu yen akyi na yeatumi ako yen anim?

Awiei

Esɛ sɛ yɛhyɛ no nso sɛ nneema papa ne akɛsɛ wɔ yen anim daa. Sɛ yenim eyi de a, na esɛ sɛ yɛbɔ yen ho mmɔden ko kɔ yen anim kosi sɛ, yen nsa bɛka saa dekode a Onyankopɔn ahyɛ ato ho ama yen no. Sɛ ekodu baabi na yehu sɛ, yen abam reyɛ abu a, esɛ yɛkɔ yen nkototwe anim, srɛ Onyankopɔn ho ahɔɔden a yɛde bɛkɔ so ako ako yen anim. Momma yensua biribi mfi nne adesua no mu.

Adesua 36: Sie wo ho kohyia Yesu, I Yohane 3:1-3

Nnianim

Sɛ yegye di oo, sɛ yeannye nni oo, da koro, yɛbɛkɔ akopue yen bɔfo no anim. Obiara nni ho a obetumi ayɛ eyi ho biribi, anaa obetumi asesa ɔkwan a ebefa so asi . Onyankopɔn mfaa biribi nsiee yen ɛ. Wakyere yen nea ohia afi yen nkyɛn nyinaa. Afe yi adesua no, yɛde bewie wɔ “ Nea Onyankopɔn hwehwe afi yen nkyɛn” Momma yensua ade nne na yensiesie yen ho nkohyia no.

Nkaesɛm: I Yohane 3:3

“ Na obiara a ɔwɔ ne ho anidaso yi no, tew ne ho sɛnea ɔno ho tew”

Adesua no ho nsemisa

1. Sɛn na ɔɔ a Onyankopɔn de adɔ yen no te fa? Kyerekyere mu kakra kyere yen
2. Sɛ Yesu yi ne ho adi a, den na saa ɔɔ yi bɛkɔ so ayɛ ama yen?
3. Den na esɛ sɛ yen nso yɛkɔ so ye-nkyekyem 3?

4. Kwan ben so na yebefa de atew yen ho?

Awiei

Se yere se yen ne Onyankopon nantew, anaa nya ayonkofa mapa a, ese se yetew yen ho, na yesan ye kronkron. Ade biako nti a yewo asaase yi so ne se, yebesiesie yen ho de atwen Awurade, se obeba abefa yen ako ne daa anuonyam mu, akotena ho afebwo. Onyankopon nam ne tumi, ne ne do a emu nni hwewebea so, ama yen nea ehia yen nyinaa, senea ebeye na yebetumi asiesie yen de akohyia no daakye. So wogu so resiesie wo ho? Se wonyee saa ye a, hye ase nne yi ara.

